



PROGRAM PODRŠKE MARGINALIZIRANIM GRUPAMA (PPMG)

JUNI 2016.

KORISNICI GRANTOVA PROŠLI TRENING O TEMI ADMINISTRACIJA I LJUDSKI RESURSI

U periodu 14-16.6.2016. g. u Konjicu je održan trening o temi Administracija i ljudski resursi. Trening je održan



u sklopu ciklusa treninga koje USAID/PPMG organizira za predstavnike organizacija korisnika grantova, kako bi jačao kapacitete organizacija. Trodnevnom treningu prisustvovalo je 11 predstavnika/ca organizacija iz BiH. Trener je u okviru treninga, koristeći različitu metodologiju nastojao povećati znanja i vještina učesnika/ca o konceptima i elementima upravljanja i razvoja ljudskih resursa. Upoznao je učesnike/ce s procesom izgradnje tima kao uvjeta uspješnog rada

organizacije. Kako je trener istakao, ljude moramo posmatrati kao najveći resurs društva jer oni to zaista i jesu.

„Ljudi su najveći resurs društva. Tema ovog treninga je kako podići motiviranost i dostići stepen razvoja u kojem su ljudi osnovni pokretači procesa u organizaciji. Samim tim zanimljivi su načini uključivanja svih osoba u procese odlučivanja.“ – Zlatko Sarić, trener.

Pored toga što je upoznao učesnike/ce s praktičnim vještinama koje će im pomoći u upravljanju ljudskim resursima s posebnim naglaskom na oblasti angažovanja i procjene rada osoblja, trener je govorio i o ulozi liderstva u razvoju ljudskih resursa.

Nakon sesije o karakteristikama Tima snova i stilova vođenja i upravljanja timovima, učesnici su s trenerom razgovarali i o delegiranju kao najmoćnijem alatu uspješnog lidera menadžera ali i o razlici između lidera i menadžera.

Jedna od učesnica istakla je da je sesija koja se odnosila na donošenje odluka bila veoma zanimljiva budući da su u toku te sesije radili grupnu vježbu. „Tokom tri dana govorili smo o načinu funkcioniranja tima, upravljanjem vremena. Rezultati učešća na treningu korisni su za moju organizaciju kao i za moju poziciju u organizaciji jer trenutno radim s timom od 8 osoba. Najveći utisak na mene je ostavila vježba o donošenju odluka jer je bliska onome što radim i pomogla mi je da utvrdim šta trebam poboljšati.“ - Melita Husagić.

SADRŽAJ

Korisnici grantova prošli trening o temi Administracija i ljudski resursi.....	1
Održan okrugli sto "Inicijativa za usvajanje lokalnih akcionih planova za osobe sa invaliditetom u regiji Istočna Hercegovina"	2
USAID/PPMG nastavlja jačati organizacijske kapacitete organizacija civilnog društva.....	3
Objavljen javni poziv za dostavljanje projektnih prijedloga-podrška aktivnostima LGBT zajednice u BiH.....	5
Objavljen javni poziv za učešće jedinica lokalne samouprave u BiH-Podrška marginaliziranim grupama žena u razvoju biznisa.....	5



Ispred Fondacije CURE, gđa Jadranka Miličević je govorila o Zakonu u ravnopravnosti spolova, primjeni zakona te mehanizmima podrške.

Video priču o dojmovima učesnika/ca i naučenim lekcijama s treninga možete pronaći [ovdje](#).



Jednaka pažnja posvećena je i temi o zapošljavanju novog kadra, učinkovitost i procjena rada zaposlenih ali i upravljanje vremenom i njegov značaj. U okviru treninga održana je i sesija o Rodnoj ravnopravnosti u kontekstu administracije i ljudskih resursa.

ODRŽAN OKRUGLI STO “INICIJATIVA ZA USVAJANJE LOKALNIH AKCIONIH PLANOVA ZA OSOBE SA INVALIDITETOM U REGIJI ISTOČNA HERCEGOVINA”

U Trebinju je 30. juna 2016. godine održan okrugli sto “Inicijativa za usvajanje lokalnih akcionih planova za osobe sa invaliditetom u regiji Istočna Hercegovina”. Cilj održavanja okruglog stola bio je potaknuti predstavnike udruženja koja se bave pravima i problemima osoba

sa invaliditetom, da pokrenu pitanje usvajanja lokalnih akcionih planova za osobe sa invaliditetom u svojim lokalnim zajednicama.

Kako je istakao Branimir Tamindžija, predsjednik Udruženja oboljelih od multipla skleroze regije Istočne Hercegovine, cilj izrade lokalnih akcionih planova je sistemsko rješavanje problema osoba sa invaliditetom, te poboljšanje kvalitete života osoba s invaliditetom. Namjera je da se izrade akcioni planovi za šest općina u Istočnoj Hercegovini, jer je ovaj dokument do sada imala samo Općina Nevesinje i to za period 2011. –





USAID
OD AMERIČKOG NARODA

2015. godina. Kako je naglasio, u toku je analiza izvršenja ovog lokalnog plana što bi trebalo pokazati kolika je važnost i neophodnost ovakvih strateških dokumenata za rješavanje pitanja osoba sa invaliditetom.

Okrugli sto organizovala je Koalicija organizacija osoba sa invaliditetom regije Istočna Hercegovina koja djeluje na području pet općina Istočne Hercegovine: Nevesinje, Gacko, Bileća, Berkovići, Ljubinj i gradu

Trebinje a podržao je USAID-ov Program podrške marginaliziranim grupama (USAID/PPMG). Koalicija je osnovana s ciljem stvaranja boljih uvjeta za život osoba s invaliditetom na području Istočne Hercegovine, a u koaliciju je uključeno jedanaest općinskih, međuopćinskih i regionalnih organizacija osoba s invaliditetom. Planirano je da u narednom periodu budu organizovane i javne rasprave u svim općinama, kako bi finalni dokument bio što kvalitetniji.

USAID/PPMG NASTAVLJA JAČATI ORGANIZACIJSKE KAPACITETE ORGANIZACIJA CIVILNOG DRUŠTVA

Četvrti trening kojim USAID/PPMG pomaže korisnicima USAID/PPMG grantova u jačanju organizacijskih kapaciteta organizacija održan je u Konjicu u periodu 28-30.6.2016. g. Tema treninga bila je Upravljanje projektnim ciklusom - Pisanje projektnih prijedloga.

U okviru trodnevnog treninga trener je upoznao učesnike/ce s elementima upravljanja projektnim ciklusom kako bi se organizacije pripremile za uspješno korištenje finansijske pomoći i sredstava iz međunarodnih i domaćih izvora finansiranja.





Trening je stvorio brojne prilike za unaprjeđenje znanja o metodologiji upravljanja projektnim ciklusom ali i stjecanje vještina analiziranja trenutne situacije kao osnove za razvijanje prijedloga projekta.

Jedna od učesnica smatra da je trening bio veoma koristan i da pruža mogućnost za posmatranje procesa pisanja projektnih prijedloga iz druge perspektive.

„ Pristupovala sam i ranije treninzima koji su bili posvećeni ovoj temi. Ovaj put nisam bila samo puki posmatrač i slušalac već sam aktivno sudjelovala. Trener nas motivira da budemo aktivni. Pisanje projekata je dinamičan i složen proces a zahvaljujući ovom treningu imat ću drugi pristup u sagledavanju problema. Zahvaljujući znanju stečenom na treningu projekti će biti smisleniji a greške svedene na minimum.“

– Sanela Osmanagić

Nakon uvodnog izlaganja u kojem je upoznao učesnike/ce s fazama projektnog ciklusa, te odlukama i dokumentima značajnim prilikom pisanja projektnog prijedloga trener je s učesnicima razgovarao o značaju analiza prilikom izrade projektnog prijedloga te kako one mogu poslužiti kao podloga za izradu logičkog okvira. Analiza problema bila je odlična tema za rad u grupama te su učesnici/e raspoređeni u više manjih grupa zajedno

analizirali probleme i određivali klasterne. Drugi dan treninga bio je posvećen određivanju interventne logike, utvrđivanju pretpostavki i definiranju pokazatelja uspjeha u okviru definiranja logičkog okvira kao faze planiranja.

U okviru sesije posvećene fazi pisanja projektnog prijedloga učesnici/e su imali priliku pisati opis problema projekta. U svom izlaganju trener se osvrnuo i na najčešće greške koje se javljaju prilikom pisanja projektnih prijedloga.

Treningom o temi Izrada strateškog plana, koji će se održati u mjesecu julu, USAID/PPMG će zaokružiti ciklus treninga namijenjen korisnicima grantova.





JAVNI POZIVI

USAID/PPMG u mjesecu junu objavio je dva javna poziva za dostavljanje projektnih prijedloga. Prvi javni poziv odnosi se na podršku aktivnostima LGBT zajednici u BiH dok se drugi javni poziv odnosi na podršku marginaliziranim grupama žena u razvoju biznisa kojim se pozivaju sve lokalne zajednice, koje su u mogućnosti osigurati vlastito učešće i primijeniti model podrške koji će biti razvijen u saradnji s USAID/PPMG.

JAVNI POZIV ZA DOSTAVLJANJE PROJEKTNIH PRIJEDLOGA - PODRŠKA AKTIVNOSTIMA LGBT ZAJEDNICE U BIH (LGBT)

USAID/PPMG objavio je u mjesecu junu javni poziv za sve nevladine organizacije registrirane u Bosni i Hercegovini (udruženja i fondacije osnovane prema zakonima o udruženjima i fondacijama u BiH) da dostave svoje projektne prijedloge u okviru komponente za pružanje Podrške aktivnostima LGBT zajednice u BiH najkasnije do 10.7.2016. g. do 16 sati.

Sva pitanja koja se tiču ovog javnog poziva dostavljaju se isključivo putem e-mail adrese: prijava@ppmg.ba (subject/predmet: 15.02.0-N2.3-3786, Upit).

Puni tekst Javnog poziva kao i svi potrebni obrasci dostupni su na [ovom linku](#).

JAVNI POZIV ZA UČEŠĆE JEDINICA LOKALNE SAMOUPRAVE U BIH - PODRŠKA MARGINALIZIRANIM GRUPAMA ŽENA U RAZVOJU BIZNISA

USAID/PPMG poziva sve jedinice lokalne samouprave da pošalju prijavu na javni poziv za podršku u implementaciji komponente za Podršku marginaliziranim grupama žena u razvoju biznisa.

Javni poziv je otvoren svim jedinicama lokalne samouprave u Bosni i Hercegovini koje su u mogućnosti osigurati sredstva u jednakom iznosu koji traži od USAID/PPMG-a, s tim da je iznos vlastitog učešća, odnosno iznos koji traži od USAID/PPMG-a najmanje 20.000 KM, a najviše 150.000 KM i primijeniti model podrške koji će biti razvijen u saradnji s USAID/PPMG-om.

Sva pitanja koja se tiču ovog javnog poziva dostavljaju se isključivo putem e-mail adrese: prijava@ppmg.ba (subject/predmet: 15.02.0-N2.3-3810, Upit).

Puni tekst Javnog poziva kao i svi potrebni obrasci dostupni su na <http://ppmg.ba/ba/grantovi/otvoreni-pozivi>.

Od zainteresiranih jedinica lokalne samouprave se traži da prijavu na Javni poziv najkasnije do 27.7.2016. pošalju ili dostave lično na adresu: **Ul. 4. viteške brigade 34-36, 71210 Ilidža.**

USAID - Program podrške marginaliziranim grupama (PPMG)

Program provodi Institut za razvoj mladih KULT
u partnerstvu sa NGO & BUSINESS AUDIT d.o.o.

Ul. 4. viteške brigade 34-36 • 71210 Ilidža • Bosna i Hercegovina

T: +387 33 778 766

F: +387 33 778 779

www.ppmg.ba